

ADIU MARGARIDETA

"Adu Margarideta, mas purmèras amors,
On son las cançonetas que parlavan de nos ? (bis)

- Ne'n vòli entener a díser, ni entener a parlar.
Dehens la mar flotanta, me'n anirèi negar. (bis)

- Si dens la mar flotanta, te vòs anar negar,
Me botarèi pescaire e t'aurèi en pescant. (bis)

- Si te botas pescaire, que m'ajas en pescant,
Me botarèi floreta, dens un jardin tan gran. (bis)

- Si te botas floreta, dens un jardin tan gran,
Me botarèi abelha, te baisèi sovent. (bis)

- Si te botas abelha, que me baisses sovent,
Me botarèi estèla, dehens lo cèu tan gran. (bis)

- Si te botas estèla, dehens lo cèu tan gran,
Me botarèi nuatge, te passarèi davant. (bis)

- Si te botas nuatge, que me passa davant,
Ne tombarèi morteta, en tèrra m'enterraràn. (bis)

- Si ne tombas morteta, en tèrra t'enterraràn,
Me botarèi lauraire e t'aurèi en laurant. (bis)

- Si te botas lauraire, que m'ajas en laurant,
Mon Diu, cau que te prenguer, car es un fin galant !" (bis)

